

ORDENANZA FISCAL POR ACTIVIDADES E SERVICIOS RELACIONADOS COA HIXIENE PÚBLICA

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases de réxime local, en relación cos artigos 149 e seguintes, 137 e seguintes da Lei 5/97, do 22 de xullo, de administración local de Galicia, e de conformidade co disposto nos artigos 15 a 20 da Lei 39/1988, do 28 de decembro, reguladora das facendas locais, modificada pola Lei 25/1998, do 13 de xullo, de modificación do réxime local das taxas estatais e locais e de reordenación das prestacións patrimoniais de carácter público, o Concello de Vedra establece a taxa por servicios e actividades relacionados coa hixiene á que se refire o artigo 20.4 da Lei 39/88, que se rexerá pola presente ordenanza fiscal, con normas que atenden ó previsto no artigo 58 da devandita Lei 39/1988, modificado así mesmo polo artigo 66 da Lei 25/1998, do 13 de xullo.

CAPÍTULO 1.º .-FEITO IMPOÑIBLE

Artigo 1.º .-Descrición xenérica.

1. Constitúe o feito imponible da presente taxa, tanto a prestación dos servicios públicos establecidos ou que poidan no futuro establecerse para a xestión das competencias locais en materia de salubridade pública, como a realización daquelas actividades que, provocadas por accións e omisións do suxeito pasivo, mesmo efectuadas sen contravención ás disposicións contidas na normativa vixente, diríxanse á execución dos actos materiais necesarios para a preservación ou restablecemento das condicións de hixiene pública preexistentes á produción da acción ou omisión.

Artigo 2.º .-Manifestación do feito imponible.

1.-Integran o feito imponible, as prestacións de servicios e a realización das actividades que se reseñan seguidamente:

a) A prestación do servicio, de recepción obrigatoria, de xestión de lixo domiciliario e residuos sólidos urbanos de vivendas, aloxamentos, locais e establecementos onde se exerzan actividades comerciais, industriais, profesionais, artísticas, de servicios ou caleuera outra de carácter simplemente social efectuadas sen contraprestación.



A xestión de residuos comprende as fases de prerrecollida, recollida e tratamento.

Para tal efecto, consideráanse lixo domiciliario e residuos sólidos urbanos ós restos e refugallos de alimentación ou detritos procedentes da limpeza ordinaria de vivendas ou locais, excluíndose de tal concepto os residuos de tipo industrial, e materiais de obras, detritos humanos, materias e materiais contaminados, corrosivos e perigosos, e que a súa recollida ou tratamento esixa a adopción de especiais medidas hixiénicas, profilácticas ou de seguridade, tal e como establece a Lei 10/1990, do 24 de abril, ou que non estean comprendidos entre os sinalados pola Ordenanza de hixiene urbana con obxecto da prestación obrigatoria do servicio.

b) A utilización das instalacións propias ou conveniadas para o tratamento daqueles residuos que deban ser recollidos fóra da prestación obrigatoria do servicio e teñan o carácter de residuos asimilables ós urbanos, para os efectos de tratamento.

c) A prestación do servicio de limpeza extraordinaria dos lugares, nos que teñan sido celebrados calquera sorte de actos públicos previamente autorizados pola Administración Local, a solicitude obrigatoria dos organizadores dos eventos.

d) A recollida da vía pública, transporte ata o lugar de depósito, permanencia e custodia neste e, no seu caso, posterior devolución, dos vehículos que teñan a consideración de abandonados, segundo o disposto nas disposicións vixentes.


e) A recollida da vía pública, transporte ata o lugar de depósito, permanencia e custodia neste e, no seu caso, posterior devolución dos contedores de residuos de obras da construción, dos cales o seu emprazamento ou permanencia na vía pública contraveña as disposicións vixentes en materia de hixiene urbana.

f) A recollida da vía pública, transporte ata o lugar de depósito, permanencia e custodia neste e, no seu caso, posterior devolución, de carteis, soportes e pancartas, así como a limpeza extraordinaria dos espazos ou instalacións da vía pública que fosen utilizados como soporte daqueles elementos, cando os titulares da autorización ou, a falta desta, os autores materiais da súa colocación, incumprisen as obrigacións que, respectivamente, lles imponen as disposicións vixentes.

g) A retirada de cadáveres abandonados de animais, xa se atopen na vía pública, xa en lugar privado, o seu transporte, e o posterior tratamento hixiénico-sanitario destes.

h) A limpeza de pintadas en valados, muros, fachadas de edificios ou en calquera elemento do mobiliario urbano, cando o autor non obtivese a autorización ou que a pesar dela, cando as pintadas ou pinturas atentaran contra o ornato público.

i) A limpeza e valado con cerramentos permanentes, sitios na aliñación oficial, dos terreos e solares sitios en chan urbano ou urbanizable que linden coa vía pública, cando os seus propietarios ou detentadores por calquera título non desen cumprimento ás prevencións establecidas.



k) Calquera outra actividade ou servizo que, sen estar comprendidas nas letras anteriores, a súa realización ou prestación pode integrarse no feito imponible descrito no artigo 1.º desta ordenanza.

2.-Para os efectos da taxa, é indiferente que o servizo se preste por xestión mancomunada directa -a través de órgano mancomunado ou empresas- ou por concesionario.

CAPÍTULO 2.º .-SUXEITOS PASIVOS E RESPONSABLES

Artigo 3.º .-Contribuínte.

Son suxeitos pasivos, a título de contribuínte, as persoas físicas ou xurídicas e as entidades ás que se refire o artigo 33 da Lei xeral tributaria, que, con referencia ás manifestacións de feito imponible recollidas no artigo anterior, se atopen nas seguintes posicións:

1.º .-En relación á contida na súa letra a):

Os ocupantes ou usuarios das vivendas e locais nos lugares en que se preste o servizo, aínda que sexa esporadicamente, xa o sexan a título de propietarios ou por calquera outro: usufructuario, arrendatario, habitacionista ou mesmo de precario.

2.º .-En relación ás contidas nas letras b) e c):

Os solicitantes das correspondentes e preceptivas autorizacións ou, a falta destas, os que materialmente realicen vertidos ou organicen os actos.

3.º .-En relación ás contidas nas letras d), e), f) e i):

Os responsables do incumprimento das obrigacións impostas polas disposicións vixentes e que coa súa conducta provocaron a intervención da administración local.

4.º .-En relación á contida na letra g):

Os propietarios dun animal morto que fose abandonado en lugar público ou privado, cando a súa cualidade resulte de Rexistro Administrativo.

Os propietarios ou detentadores por calquera título do lugar público ou privado onde se encontrara o cadáver abandonado do animal, se non se dese a circunstancia prevista no guión anterior.

Os causantes directos da morte do animal, por atropelo ou por outra acción, cando non se deducirá de rexistro administrativo a identidade do propietario do animal morto.



5.º .-En relación á contida na letra h):

As persoas ou entidades subscribintes do texto da pintada ou do motivo da pintura.

Os autores materiais destas, cando non estean asinadas.

Os donos dos elementos de propiedade obxecto da limpeza das pintadas ou pinturas, cando non conste á administración local a identidade dos anteriores.

6.º .-En relación ás contidas na letra k):

Os suxeitos beneficiarios ou afectados pola prestación ou realización dos servizos ou actividades.

Artigo 4.º .-Substituto do contribuínte.

Terá a consideración de suxeito pasivo substituto do contribuínte ó que se refire o artigo 3.1.º desta ordenanza, o propietario das vivendas ou locais, así como as comunidades de propietarios -ás que poderán xirarse a totalidade das cotas que correspondan o inmovible-, sen prexuízo de que uns e outros, no seu caso, podan repercuti-las cotas satisfeitas sobre os usuarios, beneficiarios do servizo, conforme o artigo 23.2 a) da Lei 39/1988, do 28 de decembro, reguladora das facendas locais.

Artigo 5.º .-Concorrencia de suxeitos pasivos.

A concorrencia de dúas ou máis persoas físicas ou xurídicas ou entidades ás que se refire o artigo 33 da Lei tributaria na posición de suxeitos pasivos, determinará a responsabilidade solidaria dos concorrentes fronte á facenda da mancomunidade.

Artigo 6.º .-Outros responsables.

1. Responderán solidariamente das obrigacións tributarias do suxeito pasivo, as persoas físicas ás que se refiren os artigos 38.1 e 39 da Lei xeral tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades en xeral nos supostos e co alcance regulado no artigo 40 da Lei xeral tributaria.

CAPÍTULO 3.º .-BENEFICIOS FISCAIS

Artigo 7.º .-Exencións e bonificacións.

Non se concederá ningunha exención ou bonificación no pagamento da taxa, salvo que por lei estatal se establecese outra cousa.



Artigo 8.º .-Reduções.

1.º .-Ó abeiro do establecido no artigo 24.4 da Lei 39/1988, as cotas derivadas da aplicación da tarifa número 1, correspondentes á prestación do servizo de xestión de lixo domiciliario, reduciranse a metade da cota de vivendas para aqueles suxeitos pasivos titulares da vivenda nos que concorra a condición de xubilados, pensionistas ou perceptores de axuda familiar, sempre que os seus ingresos anuais totais non superen o salario mínimo interprofesional vixente no período para o que se solicite a redución, e non convivan con outros familiares preceptores de rendas.

Ó órgano competente do Concello recoñecerá o dereito de redución mencionado no parágrafo anterior, previa solicitude do interesado e aportación da documentación acreditativa tanto da súa condición de xubilado ou pensionista, o importe da pensión gozada, a circunstancia de estar ó corrente no pagamento da taxa, como da demais derivada do exposto no parágrafo anterior (recibo IBI urbana e certificado do padrón) aplicándose este beneficio no recibo correspondente. O impago dos recibos implicará a perda da redución aplicada, prexudicando ó dereito do exercicio corrente.

Na liquidación de cada exercicio, o Concello coñecerá dos contribuíntes beneficiados e importes reducidos, podendo revocar se da práctica das actuacións inspectoras se deducirá a súa improcedencia con independencia da derivación sancionadora.

2.º .-Poderán solicitar unha bonificación da tarifa de ate un 50 por cento aqueles produtores de lixo que fagan unha contribución destacada e efectiva ós programas de recollida selectiva establecidos polo Concello. Esta contribución deberá ser avaliada de forma medible e contrastada polos servizos técnicos. A solicitude de bonificación, informada deberá ser sometida á consideración do órgano competente, e terá unha vixencia máxima dun ano natural.

3.º .-Con independencia do establecido nos parágrafos anteriores, non serán aplicables outros beneficios fiscais que os expresamente previstos en normas con rango de lei e os derivados da aplicación de tratados internacionais.

CAPÍTULO 4.º .-BASE IMPOÑIBLE

Artigo 9.º .-Determinación.

A base imponible da taxa determinarase en atención ás seguintes circunstancias:

a) A natureza, situación e destino dos lugares ou espazos ocupados polos suxeitos pasivos, no suposto de prestación do servizo de xestión de lixo domiciliario e demais residuos sólidos asimilables.



b) A natureza, características e intensidade do resto de servicios prestados ou actividades realizadas en materia de hixiene polo Concello ou entidade de xestión do servicio.

Artigo 10.º .-Definicións.

Para os efectos desta taxa, os elementos determinantes da base imponible que aparecen reseñados nas correspondentes tarifas, responden ás seguintes definicións:

Vivendas: domicilios de carácter familiar e pensións que non excedan de 10 prazas.

Aloxamentos: lugares de convivencia colectiva non familiar, entre os que se inclúen hoteis, hostais, pensións, residencias, colexios e demais centros de natureza análoga, que excedan de 10 prazas.

Locais: lugares ou establecementos susceptibles de ser dedicados ó exercicio de actividades comerciais, industriais, profesionais, de servicios ou calquera outra, incluída-las de carácter meramente social efectuadas sen contraprestación económica.

Grandes almacéns: aqueles nos que se exerza unha actividade de comercio ó por menor en sectores distintos ó agro-alimentario, e que a súa superficie total, sen ningunha exclusión, sexa superior a 500 m². No caso de concorrencia de calquera actividade comercial con outras agroalimentarias, cualificarase ó establecemento de gran almacén cando a superficie destinada á atención ó público nas actividades comerciais sexa maior que nas agroalimentarias.

Fábricas e talleres industriais: establecementos onde se recibe, elabora ou transforma as materias primas en produtos elaborados ou semielaborados.

Vehículos abandonados: os referidos na Ordenanza de hixiene urbana ou regulamentación do servicio que se aprobe.

Contedores para obras: os que conteñan materias utilizados na construción ou derribo de edificacións.

Grandes produtores de residuos: todos os locais, actividades e en xeral suxeitos pasivos que teñan unha produción media diaria superior ós 2.000 l, ou ós 300 kg de residuos.

CAPÍTULO 5.º .-COTAS TRIBUTARIAS E TARIFAS

Artigo 11.º .-Cota tributaria derivada da prestación do servicio de xestión de lixo domiciliario.



1. A cota tributaria consistirá nunha cantidade fixa, por unidade de vivenda ou local, cunha cuantía que se determinará en función da natureza, destino dos inmobles e produción media diaria de lixo.

2. As cotas esixibles pola prestación do servizo de xestión de lixo son as fixadas na tarifa número 1 que contén o anexo I da presente ordenanza.

Artigo 12.º .-Cotas derivadas doutras prestacións ou actividades.

1. A cota tributaria consistirá nunha cantidade fixa, cunha contía que se determinará:

a) Por sinalamento específico nas tarifas correspondentes.

b) Por adición das cotas parciais, correspondentes a cada unha das fases en que sexa fraccionada a prestación do servizo ou realización da actividade.

2. As cotas ás que se refire este artigo, son as fixadas nas tarifas 2.^a a 8.^a desta ordenanza.

Artigo 13.º .-Tarifas.

As tarifas vixentes, desagregadas nos seus diferentes epígrafes, recóllense no anexo I da presente ordenanza.

Estas tarifas sufrirán un incremento anual automático igual ó IPC oficial correspondente ó ano natural anterior.

CAPÍTULO 6.º .-PERÍODO IMPOSITIVO E DEVENGO

Artigo 14.º .-Período impositivo.

Para aquelas prestacións de servizos públicos locais establecidos con carácter permanente, xa sexan a súa execución material continua ou esporádica, o período impositivo coincidirá co período obxecto de cobramento, conforme o disposto no artigo 16 desta ordenanza.

Artigo 15.º .1.-Devengo.

1.º .-Devéngase a taxa e nace a obriga de contribuír dende o momento no que se inicie a prestación do servizo ou a realización da actividade,.

2.º .-En referencia á prestación do servizo de xestión do lixo domiciliario e residuos sólidos urbanos asimilables, enténdese que tal acontece o primeiro día de cada ano natural, cando estea establecido e en funcionamento o devandito servizo nas rúas ou lugares onde se empracen as vivendas, locais e aloxamentos susceptibles



de ser ocupados ou utilizados polos contribuíntes suxeitos á taxa, con independencia do tempo de ocupación do local ou vivenda ó longo do ano e de que a dita ocupación se refira á totalidade ou parte da finca. Para tales efectos, considérase que un inmovible é susceptible de ser ocupado ou utilizado cando o mesmo dispoña de luz e auga, debendo o interesado acreditar documentalmente, no seu caso, a indispoñibilidade dos citados subministros, procedéndose, en caso de carencia de subministro eléctrico, á devolución de ingresos indebidos, previa aportación polo interesado de certificación expedida pola empresa suministradora, referida ó período no que se estendeu a devandita carencia.

Artigo 15.2.-Altas e declaracións.

1.-Produciranse as altas no padrón de recollida do lixo de vivendas coa correspondente alta para os efectos do imposto sobre bens inmoables.

De non practicarse a correspondente declaración de alta no imposto sobre bens inmoables, estarase incorrendo en infracción cualificada como grave no artigo 79 b) da Lei 25/1995, do 20 de xullo, de modificación parcial da Lei xeral tributaria. Sen embargo, poderá obviarse a infracción tributaria para os efectos exclusivos da presente taxa, así como a correspondente sanción, coa presentación de instancia ou escrito no que se formula declaración de alta no padrón de taxa de recollida de lixo de vivendas.

2.-En relación con locais, comerciais, industriais ou profesionais, entenderase como declaración de alta a solicitude de preceptiva licencia de actividades e instalacións, tendo efectos dende a data de concesión ou comezo efectivo da actividade. De iniciar unha actividade sen a preceptiva licencia, ademais de infracción urbanística estarase incorrendo en infracción fiscal grave de conformidade co citado artigo 79 b) da Lei 25/1995. De forma excepcional, e sen prexuízo das sancións urbanísticas que procedan admitiranse declaracións de alta para os efectos de recollida de lixo industrial, comercial ou profesional en instancia razoada polo suxeito titular da actividade. Desta forma pode obviarse a sanción tributaria. No caso dos traspasos de negocio, o antigo e o novo titular deberán presentar copia do cambio de titularidade no Rexistro do Concello e o impreso regulamentario para tal efecto. O incumprimento desta obriga terá así mesmo, a cualificación de infracción tributaria grave para o adquirente do negocio e infracción simple para o cedente.

3.-Os locais baleiros tributarán como vivendas, previa solicitude dos suxeitos pasivos.

4.-Para locais que, non sendo vivendas, excepcionalmente non precisarán de licencia de actividades e instalacións, os titulares deberá presentar formalmente declaración do exercicio da actividade no prazo dun mes desde o seu inicio para os efectos da súa inclusión no padrón da taxa.

5.-Os titulares de actividades deberán formular declaración de baixa cando cesen naquelas. O incumprimento desta obriga ten a cualificación de infracción simple.



6.-Os suxeitos pasivos desta taxa deberán cubri-las súas declaracións con indicación certa e completa do enderezo fiscal e número de identificación fiscal. A omisión de calquera dos datos anteriores terá a cualificación de infracción simple.

Capítulo 7.º .-Ingreso da débeda tributaria.

Artigo 16.º .-Ingreso definitivo.

1.º .-O cobramento das cotas referidas na tarifa número 1 desta ordenanza, efectuarase mediante recibo no prazo que determine a notificación ós interesados que practique a Administración de Tributos, no caso de producirse a alta no servicio. No sucesivo e sen mediar notificación publicarase o período de cobranza do correspondente padrón fiscal desta taxa.

2.º .-O cobramento das cotas derivadas da aplicación das restantes tarifas será realizado de forma directa polo órgano de xestión de servicio. De igual xeito procederase cando, por irregularidades urbanísticas, o inmoible non contara con subministro de auga ó cargo do servicio municipal, sen que tal recadación supoña, de ningún xeito, convalidación das devanditas irregularidades.

Artigo 17.º .-Ingreso caucional.

1.º .-Cando a prestación do servicio ou a realización da totalidade ou de parte dos actos materiais en que se concreta a intervención administrativa se produza a petición obrigatoria de parte, o contribuínte, conforme o establecido no artigo 26 da Lei 39/1988, quedará obrigado a depositar, no momento da autorización da súa solicitude, o importe íntegro da cota correspondente á tarifa aplicable, requisito sen o cal non continuará a Administración Local na execución dos actos materiais precisos para ultima-lo servicio ou actividade.

2.º .-O anterior será especialmente aplicable ós supostos nos que a actuación administrativa se tivese concretado no depósito e custodia de vehículos abandonados, contedores de residuos de obras ou pancartas e carteis, trala súa retirada da vía pública, nos termos establecidos, da cal a súa devolución ó titular só se efectuará trala constitución do depósito citado no número anterior, por canto sen ela o Concello non continuará coa execución dos actos materiais tendentes á devolución dos bens depositados: identificación e comprobación de titulares, exame da licenza e dos residuos a fin de determina-lo seu carácter e o tratamento ó que deben someterse, busca dos bens, comprobación do seu estado e entrega material, con uso dos medios humanos e, no seu caso, mecánicos precisos para levala a cabo.

CAPÍTULO 8.º .-INFRACCIÓN E SANCIÓN

Artigo 18.º .-Réxime xeral.



1.º . En todo o relativo á cualificación das infraccións tributarias, así como das sancións que a estas correspondan en cada caso, estarase ó disposto nos artigos 77 e seguintes da Lei xeral tributaria.

2.º . A imposición de sancións non suspenderá, en ningún caso, a liquidación e cobramento das cotas devengadas.

Artigo 19.º .-Compatibilidade.

A exacción das taxas que pola presente ordenanza se establecen, non exclúe o pagamento das sancións ou multas que procederán por infracción da Ordenanza de hixiene urbana que se aprobe no seu caso e demais normativa legal vixente.

Disposición final.


A presente ordenanza fiscal, con redacción definitiva foi aprobada polo Pleno en sesión celebrada o 30 de outubro de 2003, non existindo reclamacións a esta, considérase elevada a definitiva, sendo de aplicación a partir do día 1 de xaneiro de 2004, e permanecendo en vigor ata a súa modificación ou derogación.



ANEXO: TARIFAS

Tarifa número 1: xestión do lixo domiciliario e residuos sólidos urbanos asimilables


	Euros
Epígrafe 10.-Vivendas:	59,00
Concepto 1000: recollida diaria	
Epígrafe 11: aloxamentos e centros de ensinanza:	
Concepto 1100: hoteis, moteis, hostais e hoteis-apartamentos de 5 estrelas, por cada praza e ano, euros: (cun mínimo anual de 143,38 euros)	15,74
Concepto 1101: hoteis, moteis, hostais e hoteis-apartamentos de 4 estrelas, por cada praza e ano, euros: (cun mínimo anual de 143,38 euros)	14,08
Concepto 1102: hoteis, moteis, hostais e hoteis-apartamentos de 3 estrelas, por cada praza e ano, euros: (cun mínimo anual de 143,38 euros)	12,42
Concepto 1103: hoteis, moteis, hostais e hoteis-apartamentos de 2 estrelas, por cada praza e ano, euros: (cun mínimo anual de 143,38 euros)	11,38
Concepto 1104: hoteis, moteis, hostais e hoteis-apartamentos de 1 estrela e campamentos de turismo, por cada praza e ano, euros: (cun mínimo anual de 130,20 euros)	10,34
Concepto 1105: pensións de 2 estrelas e campamentos de turismo e albergues xuvenís, por cada praza e ano, euros:	3,44
Concepto 1106: pensións de 1 estrela, por cada praza e ano, euros: (cun mínimo ó ano de 130,20 euros)	10,34
Concepto 1107: fondas, por cada praza e ano (cun mínimo anual de 76,11 euros)	6,30
Concepto 1108: casas de hospedaxe, por cada praza ó ano, euros: (cun mínimo anual de 72,67 euros)	5,06
Concepto 1109: hospitais, sanatorios e demais centros sanitarios asistenciais, por cada praza, ó ano, euros: (cun mínimo de 364,12 euros anuais)	29,68
Concepto 1110: centros Docentes, colexios maiores e residencias de estudantes con réxime de pensión alimenticia, por cada praza ó ano, euros (cun mínimo de 313,24 euros)	10,34
Concepto 1111: centros docentes, colexios maiores e residencias de estudantes, sen réxime de pensión alimenticia, por cada centro, ó ano	252,42
Concepto 1112: centros de ensinanza que realizan a súa actividade en locais de menos de 100 m ²	126,21
Epígrafe 12: locais.	
Concepto 1200: restaurantes.	



120000 de categoría de luxo	555,53
120001 de categoría 1. ^a	504,85
120002 de categoría 2. ^a	410,19
120003 de categoría 3. ^a	328,16
120004 de categoría 4. ^a	246,12
Concepto 1201: cafeterías.	
120100 de categoría especial	441,74
120101 de categoría 1. ^a	347,09
120102 de categoría 2. ^a	283,98
120103 de categoría 3. ^a	138,83
Concepto 1202: bares.	
120200 de categoría especial, epígrafe 673.1 IAE	504,85
120201 Outros cafés e bares, epígrafe 673.2 IAE (zona urbana)	113,59
120201 Outros cafés e bares, epígrafe 673.2 IAE (resto)	94,66
Concepto 1203: salas de festas, discotecas, uisquerías, bingos e similares	504,85
Concepto 1204: círculos e clubs.	
120400 Con restaurante e/ou cafetería	315,54
120401 Os demais	157,76
Concepto 1205: teatros e cines.	
120500 Teatros e cines con local pechado	214,56
120501 Teatros e cines con local aberto	63,11
Concepto 1207: fábricas, talleres de reparación de automóviles, serradoiros e grandes almacéns.	
120700 Ata 10 empregados	
120700.00 de 1 empregado	164,07
120700.01 de 2 a 4 empregados	201,94
120700.02 de 5 a 7 empregados	265,05
120700.03 de 8 a 10 empregados	315,54
120701 Máis de 10 empregados, ata 20	473,30
120702 Máis de 20 empregados, ata 50	946,60
120703 Máis de 50 empregados, ata 100	1.893,19
120704 Máis de 100 empregados	3.155,31
Concepto 1208: mercados, supermercados. Comercios o por maior de produtos alimentarios e establecementos agroalimentarios	



120800 Por cada posto fixo de venda en mercados municipais e galerías de alimentación:	37,86
Nota: a concorrencia dun ou máis postos xuntos no mesmo mercado, dedicados á venda de produtos iguais, implicará a tributación polo 2.º e seguintes da metade da tarifa.	
120801 Establecementos en réxime de autoservicio e mixto, distintos dos contemplados no epígrafe 661.2 da sección 1.ª das tarifas do imposto sobre actividades económicas:	
120801.00 Con superficie superior a 400 m ²	1.893,19
120801.01 Con superficie comprendida entre 399 m ² e 120 m ²	946,60
120801.02 Con superficie comprendida entre 120 m ² e 60 m ²	391,26
120801.03 Con superficie inferior a 60 m ²	214,56
120802 Outros establecementos:	
120802.00 Peixerías e carnicerías, verdulerías e froiterías	126,21
120802.01 Os demais establecementos	75,73
120803 Mercados centrais de almacenistas	
120803.00 Entidades xestoras dos mercados centrais de almacenistas	2.082,51
120803.01 Por cada posto modular	296,60
Concepto 1209: entidades bancarias e caixas de aforros, gasolinerías e estacións de servicios.	
Concepto 120901 Entidades Bancarias e Caixas de Aforro	599,51
Concepto 120902 Gasolinerías e estacións de servicio, por bomba (ata un máximo de 450,76 euros)	126,21
Concepto 1210: centros oficiais (produtores de menos de 1000 l de residuos, por día):	
121000 Ata 500 m ² de superficie	266,18
121001 Dende 500 m ² ata 1000 m ² de superficie	533,12
121002 Máis de 1000 m ² de superficie	799,30
Concepto 1211: locais, establecementos e toda clase de instalacións de carácter público ou privado, non comprendidos en conceptos anteriores e grandes produtores de residuos.	
121100 Por cada fracción de 100 litros de residuos xerados ó día, ó ano	157,76
Nota: para os efectos da notificación da cota derivada deste concepto, os obrigados ó pagamento deberán declara-la media de residuos xerados, previo requirimento, para iso, pola Inspección do servicio, que poderá rectifica-las declaracións formuladas ou estimar de oficio o volume de residuos no caso de falta de declaración.	
Concepto 1212: despachos profesionais	75,73
Concepto 1213: postos, quioscos e calquera outro con instalación permanente na vía pública e non suxeito por conceptos anteriores destas tarifas	23,86



Concepto 1214: demais locais e negocios non comprendidos nos epígrafes e conceptos anteriores	75,73
Concepto 1215: establecementos de carácter temporal e casetas de feira.	
121500 Os establecementos de carácter temporal abertos ou en actividade por tempo que non exceda de tres meses consecutivos ó ano, incluído-los instalados con ocasión de festas, romarías ou verbenas	25,32
121501 Atraccións e demais establecementos similares instalados no recinto de festas:	32,27
121502 Venta ambulante, por cada día de colocación no mercado (ó trimestre):	5,80
Nota: para a obtención do permiso de ocupación da vía pública será requisito imprescindible a presentación do recibo da última taxa trimestral de hixiene pública posta ó cobramento.	
Concepto 1216: asociacións veciñais, grupos, centros de culto e outros similares	63,11
Nota común á tarifa número 1:	
As cotas reseñadas nesta tarifa teñen carácter de mínimas, podendo os servicios de inspección, con comunicación e audiencia ó interesado, axustalas ó volume de residuos xerados, tomando como base para o cálculo o concepto 121100.	

Tarifa número 2: por utilización das instalacións de tratamento.

	Euros
Epígrafe 20.-Instalacións de tratamento	
Concepto 2001: polo tratamento de cada kg de residuos sólidos clasificado nas fraccións utilizadas para recollida selectiva. O mínimo de percepción non será inferior a 2,39 euros.	0,022
Concepto 2002: polo tratamento de cada kg de residuos sólidos sen clasificar. O mínimo de percepción non será inferior a 3,01 euros.	0,044
Concepto 2003: carga e transporte de residuos urbanos a instalacións de tratamento. Por cada kg de residuos urbanos, euros: (cun mínimo de 33,73 euros).	0,099

Tarifa número 3: por limpeza extraordinarias de lugares onde se celebrarán actos públicos.



	Euros
Epígrafe 30.-Limpeza	
Por cada m ² de limpeza da vía pública, euros (cun mínimo de 42,29 euros):	0,022
Epígrafe 31.-Carga e transporte de residuos sólidos urbanos a vertederos:	
Concepto 3100: por cada kg de residuos sólidos urbanos, euros (cun mínimo de 33,73 euros):	0,099
Concepto 3101: Por cada m ³ de residuos inertes, euros (cun mínimo de 33,73 euros):	9,88
Nota: a débeda tributaria esixible obterase por aplicación do disposto no artigo 12.1.b) desta ordenanza	

Tarifa número 4: por retirada de vehículos.

	Euros
Epígrafe 40.-Recollida de vehículos	
Concepto 4000: pola retirada de motocicletas, velocípedos, triciclos, motocarros e demais vehículos de características análogas	22,34
Concepto 4001: pola retirada de toda clase de vehículos turismos, así como camionetas, furgonetas e demais vehículos de características análogas con tara inferior a 1.000 kg	46,15
Concepto 4002: pola retirada de camiións, tractores, turismos, remolques, camionetas, furgonetas e demais vehículos de características análogas con tara superior a 1.000 kg	114,42
Epígrafe 41.-Depósito de vehículos	
Concepto 4100: motocicletas, velocípedos, triciclos, motocarros e demais vehículos de características análogas, por día	1,82
Concepto 4101: automóbiles de turismo, furgóns, furgonetas e demais vehículos con tara inferior a 1.000 kg, por día:	2,84
Concepto 4102: camiións, tractores, remolques, camionetas, furgonetas e demais vehículos con tara superior a 1.000 kg, por día	6,06
Nota 1. ^a .-A débeda tributaria esixible obterase por aplicación do disposto no artigo 12.1.b) desta ordenanza.	
Nota 2. ^a .-No caso de que se iniciara a recollida e se realizara o enganche, pero non se completara o transporte do vehículo ata o depósito municipal porque non se tivese	

consumado este debido á presenza do interesado, satisfacerase o 50 por cento da tarifa que puidese corresponder.

Nota 3.^a.-As tarifas por retirada e por depósito de vehículos serán independentes entre si. Non obstante, a tarifa por depósito de vehículos só se aplicará no caso de que transcorran 24 horas dende a recollida daqueles, sen ser retirados polos seus propietarios.

Tarifa número 5: por retirada de contedores de entullo.

	Euros
Epígrafe 50.-Retirada e transporte a depósito	78,33
Epígrafe 51.-Depósito por cada día de estancia	2,55
Nota.-A débeda tributaria esixible obterase por aplicación do disposto no artigo 12.1.b) desta ordenanza.	

Tarifa número 6: limpeza e/ou retirada de carteis, soportes, pancartas e pintadas.

	Euros
Epígrafe 60.-Por limpeza e retirada de carteis, soportes, pintadas e pancartas	
Concepto 6001: por cada m ² de limpeza e de retirada de carteis	17,45
Concepto 6002: por cada m lineal de limpeza de pintadas	17,45
Concepto 6003: por cada unidade de pancarta retirada da vía pública, euros:	9,99
Nota.-A débeda tributaria esixible obterase por aplicación do disposto no artigo 12.1.b) desta ordenanza.	

Tarifa número 7: retirada, transporte e tratamento de animais da vía pública.

	Euros
Epígrafe 70.-Por cada unidade de peso menor de 70 kg, euros:	15,44



Epígrafe 71.-Por unidade de peso superior a 70 kg, euros:	49,43
---	-------

Tarifa número 8: pola prestación dos servizos e realización das actividades referidos no artigo 2.º , letra k.

	Euros
A cota tributaria será o resultado de aplica-lo número e entidade dos medios persoais e materiais que se utilicen na prestación do servizo, o tempo investido, e a tarifa contida nos seguintes epígrafes e conceptos:	
Epígrafe 80.-Persoal	
Concepto 8000: técnico superior ou medio, por cada hora ou fracción	43,77
Concepto 8001: encargado, xefe, capataz ou inspector dos servizos, por cada hora ou fracción	20,04
Concepto 8002: conductor, mecánico ou operario, por cada hora ou fracción	12,35
Nota Concepto 8002: cada hora liquidada incrementarase nun 15 por cento adicional en concepto de custo derivado da supervisión e dirección da actividade, se esta non se liquidara directamente por aplicación do resto de conceptos do epígrafe 80.	
Epígrafe 81.-Materiais	
Concepto 8100: o consumo de materiais computarase, previa valoración da Mancomunidade da Barbanza, a prezos de mercado.	
Concepto 8101: vehículos pesados (varredora, baldeadora, compactador, escavadora, grúa, pluma ou similar) por unidade e hora, sen conductor, euros:	20,04
Concepto 8102: conductor, mecánico ou operario, por cada hora ou fracción	12,35
Epígrafe 82.-Desprazamentos	
Concepto 8200: por km percorrido, vehículo pesado, compactadores ida e volta, euros:	0,84
Concepto 8201: por km percorrido, vehículos lixeiros.	0,25
Nota.-A débeda tributaria esixible obterase por aplicación do disposto no artigo 12.1.b) desta ordenanza.	

Vedra, 29 de decembro de 2003.

O alcalde, Odón C. Cobas García.

